

浙江文叢

# 國權

〔第十五冊〕

浙江出版聯合集團  
浙江古籍出版社

浙江文叢

# 國權

〔第十五冊〕  
卷四十五至卷四十七

江出版聯合集團  
江古籍出版社

〔明〕談遷 著

國權

重刊雜錄

起嘉靖十八年

盡嘉靖二十二年

己亥嘉靖十八年

正月庚午朔上御奉天殿受朝

朱文肅史概上以喪不視朝實錄云御殿

停南京後湖清冊御史主事其筦冊給事中主事復命如舊

辛未諭輔臣考訂禮記檀弓等篇禮儀制度仍圖注並緝祭筮全儀脩覽

定梓宮南祔顯陵

乙亥錄延綏寧夏斬獲功各賚金幣

丙子工部郎中張鏜太監張綱督治南京行殿

巡撫湖廣都察院右副都御史顧璘遷工部右侍郎兼

右副都御史督顯陵工

辛巳改作隆慶殿於舊邸

丁亥南京工部右侍郎韓荆卒

己丑旌蜀王讓相賢行

乙未南京太常寺卿王晞為都察院右副都御史巡撫

江西

丙申勅諭南巡視山陵工部郎中岳倫上疏請止倫時  
監葦華城工不即成上惡其徐也下詔斥為民倫宣府  
懷安人丙戌進士授行人使河南見奎殍請出粟賑之  
庚寅初時相被謫轉令曲汝有惠政常論大同兵變事  
為時所稱丁酉遷工部主事進郎中癸卯卒所著有雲  
石集然倫不直文士也惜不究其用云

丁酉命太監袁亨工部主事袁越自涿州至承天豐樂  
縣治行宮

楊儒嗣彰武伯 楊質子

戊戌進武定侯郭勛翊國公大學士夏言上柱國少師

文淵閣大學士顧鼎臣少保兼太子少傅武英殿大學士成國公朱希忠駙馬都尉崔元俱太子太傅英國公張溶禮部尚書嚴嵩俱太子太保宣城伯衛鏞太保遂安伯陳鏹兼太子太保

去歲上冊號

已交工部右侍郎江曉治南巡馳道巡按監察御史胡守中初其慢下獄削籍

命戶部右侍郎高公韶賫帑金二十萬分給畿郡河南湖廣脩餉定錦衣衛官百二十人旗校八千人

崇王祐樞薨謚莊王性至孝尤肅宮禁

徐學謨曰崇莊王與獻皇帝為親兄弟又同日封楚

暨肅皇帝嗣位國體張甚亦親厲之勢宜尔也隆慶間遼庶人坐法諸藩亦稍稍貶損獨其國執禮如故庶幾能率祖云

二月庚子朔立皇太子載壑封裕王載壘景王載圳

午刻五色雲見

辛丑詔赦天下

工部右侍郎宋景為左侍郎

壬寅封代府鎮國將軍仕坦襄垣王初襄垣王仕壘以  
淫暴弘治間賜死不得繼至是王弟仕坦子成鏐營之  
仕坦未封卒子成鏐後坐冒封除

起前大學士翟奎為兵部尚書兼右都御史充行邊使  
兵部尚書毛伯溫總督宣大山西軍務左侍郎樊繼祖  
提督薊州山海關邊務

甲辰作御寶十一

奉天承運大明天子寶  
天子信寶  
天子受

命之寶  
巡狩天子之寶  
垂訓之寶  
命德之寶  
討罪安民

己前少師兼太子太師吏部尚書華蓋殿大學士張

孚敬卒孚敬字茂恭永嘉人正德辛巳進士年四十七

議大禮稱旨直閣起孤生發憤抗朝議受知主上得柄  
用攬才俊謝苞苴所創革興制非妄敢任事頗驕恣逞  
喜怒不復反贈太師謚文忠

王世貞曰公相而中涓之勢詘至於今垂五十年士大夫得信其志於朝而黔首得安寢於里者誰力也夫禮失而求之心而已矣後主所自為令未有悖也考而不已則宗宗則入太廟入太廟則有祧公在難乎其免矣王子曰凡言禮而貴者其人材皆磊磊即不言禮亦有以自見者哉

李維禎曰維公而興閣臣有江陵與公姓同謚同元輔相少主同銳意任事同公得君誠尚為衆所側目澀機不安身後七十餘年名乃愈彰其以危身奉上稱忠與江陵又同江陵沒而遘禍近漸有頌言其功

者人情薄公論晦較嘉靖時懸殊要之兩張文忠易地則皆然也

何喬遠曰張孚敬一言悟主至貴幸矣自非奮其褊心借其怒勢尚不能得乎天子而為相臣也雖然其辨給以肆其才果以厲其守潔以作知臣莫若君使其三揖以進一辭而退開誠布公集思廣益豈不赫然名臣哉

孫承宗曰永嘉新進書生持執禮正名之論申眉高談無愧天下載觀太廟之議排濫觴之諛脫侯氏之獄抗雷震之疾威諒非乘時蹈躄自結人主夫緣性

制禮目心則孝虞夏創禘郊祖宗之典周公廣追王  
上祀之儀是皆天懷發中不由仍襲曷為今日獨異  
於此大臣知父子之倫不可解於心而已笑既統嗣  
之辨其猶為衆人言之也

兵部右侍郎張衍慶督理扈從

鑄嘉靖通寶錢

丙午起張潤左副都御史

丁未起張藻右僉都御史整理薊州邊脩兼巡撫順天  
丁未咸寧侯仇鸞東寧伯焦棟為左右副將軍扈行誦  
國公郭勛攝中軍佩都護將軍印成國公朱希忠副之

叅將任鳳趙卿為鋒出舊時行在諸司印給從官

吏部尚書許讚諫南巡左都御史王廷相復疏上並不  
聽監察御史劉士賢戶科都給事中魯烜等各疏上蜀  
俸二月工部郎中岳倫請遷陵歲貢生陳良鼎言等不  
在送莖下詔獄宥之

祈穀於玄極寶殿

授永豐曾質粹五經博士世襲曾子六十代孫

初尚書  
顧鼎臣

求訪曾氏後有十四代孫據避新莽自武城徙廬陵

戊申起劉淵都督僉事提兵鎮守薊州

翰林院侍讀華察工科左給事中薛廷寵使朝鮮頒詔

刑科左給事中沈伯咸為寧國知府不欲行訐文選郎中黃禎失實降南京國子監丞

庚戌玉田伯蔣崇坐奸利奪歲祿

諭莖昌化伯邵林夫人楊氏給地八頃孝惠皇太后母

壬子召大學士夏言顧鼎臣尚書嚴嵩於文華殿賜皇

考御書

遼東饑賑之

癸丑選東宮官僚署詹事府禮部尚書溫仁和進太子少保戶部尚書李廷相吏部左侍郎張潮張邦奇並太子賓客禮部左右侍郎張璧蔡昂兵部右侍郎張衍慶

並兼少詹事南京禮部左侍郎費案太常寺卿兼侍讀  
學士陸深為詹事並兼學士起崔銑及南京翰林侍讀  
學士孫承恩並少詹事國子祭酒王教洗馬童承叙為  
左春坊左庶子楊維傑為右春坊右諭德並兼翰林侍  
讀左春坊左諭德龔用卿為翰林侍讀屠應埏為右春  
坊右諭德兼翰林侍讀編脩李學詩脩撰陳節之為左  
中允兼脩撰編脩秦鳴夏閔如霖為右中允兼脩撰編  
脩浦應麒脩撰羅洪先為左贊善兼脩撰檢討郭希顏  
閔朴為右贊善兼檢討兵科給事中呂懷禮部儀制郎  
中白悅並改左司直主客郎中皇甫孝兵部車駕郎中

薛僑改右司直並兼檢討監察御史胡守忠改左清紀  
郎吏部文選主事史際右清紀郎並兼侍書侍讀華察  
侍講胡經為司經局洗馬兼侍讀王易王同祖黃佐唐  
順之並復編脩易同祖兼校書佐順之兼左右司諫太  
常寺周令兼正字

安南莫方瀛遣阮文泰詣鎮南關乞降籍田土戶口以  
獻表曰向者國王黎暲遇害國人推暲從子諱揖國諱  
卒弟應攝國幼疾亡子臣父登庸係舊勞妄改又及於  
臣累使陳情經年未達然改替過聖門所與首罪者王  
法所寬望天朝處分獲釋丘山之罪事下廷議

甲寅命皇太子監國宣城伯衛鏞遂安伯陳鏞留守使  
大學士顧鼎臣同留守使賜勅兵部尚書張瓚叅贊機  
務太監麥福內提督團營刑部右侍郎屠橋等分守九  
門

乙卯上發京師后妃從有卒孫堂夜入御座前言沿途  
治行愜勞苦吏民非便下獄京山侯崔元大學士夏言  
尚書吏部許讚禮部嚴嵩戶部李廷相兵部王廷相刑  
部楊志學工部蔣瑤等扈行致一真人邵元節疾不能  
從薦方士黃岡陶典真授神霄保國宣教高士給誥印  
典真即仲文以縣吏除海州庫大使革秩依元節所

丙辰順天治中潘璐失候下錦衣獄

丁巳平涼之崇信縣地微震

辛酉次真定望祭北岳

癸亥至岳州有聲寃於行宮外執之

南京御史胡賓等疏止南巡不聽

乙丑駕行而趙州臨洺鎮二行宮火知州范昕罰俸六

月逮守吏趙王厚煜朝磁州王善為容悅之明日命英

國公張溶尚書嚴嵩送歸復書勞之彰德知府王疏失

朝下獄靖遠伯王瑾如湯陰以太牢祀周文王少牢祀

岳飛廟